

PWYLLGOR CRAFFU GOFAL CYMDEITHASOL AC IECHYD 19eg O DACHWEDD 2015

YN BRESENNOL: Cyngorydd G. Thomas (Cadeirydd)

Cynghorwyr: S.M. Allen, S.M. Caiach, I.W. Davies, P.M. Edwards, D.J.R. Llewellyn, K. Madge, E.G. Thomas a J.S. Williams

Cynghorydd J.K. Howell – Yn eilyddio ar ran y Cynghorydd W.T. Evans
Councillor J.D. James – Yn eilyddio ar ran y Cynghorydd E. Morgan
Councillor B.A.L. Roberts – Yn eilyddio ar ran y Cynghorydd

Hefyd yn bresennol:

Cynghorydd L.D. Evans – Aelod y Bwrdd Gweithredol dros Tai (a Phobl Hŷn / Hyrwyddwr 50+)
Cynghorydd J. Tremlett – Aelod y Bwrdd Gweithredol dros Gofal Cymdeithasol ac Iechyd (a Phobl Hŷn / Hyrwyddwr 50+)

Roedd y swyddogion canlynol yn bresennol:

Mr. J. Morgan – Cyfarwyddwr Gwasanaethau Cymunedol
Mr. A. Maynard – Pennaeth Dros-Dro Iechyd Meddwl ac Anableddau Dysgu
Ms. C. Harrison – Pennaeth Comisiynu Strategol ar y Cyd
Mr. N. Edwards – Rheolwr Diogelu a Chomisiynu (Eitem 7)
Mr. D. Eldred – Group Accountant (Eitem 9)
Mr. K. Pett – Swyddog Polisi, Ymgynghori ac Ymgysylltu (Eitem 8)
Mrs. C. Poulter – Rheolwr Ardal (Aman a Gwendraeth)
Ms. S. Sauro – Swyddog Adolygu Perfformiad
Mr. L. Walters – Rheolwr Cymorth Busnes (Gofal Cymdeithasol)
Mr. M. Hughes – Ymgynghorydd Cynorthwyol

Yn bresennol ar gyfer Eitem 6:

Dr. M. Thomas – Ymgynghorydd Iechyd y Cyhoedd yn Iechyd Cyhoeddus Cymru
Mrs. L. Williams – Cyfarwyddwr a Chomisiynydd Sir Gaerfyrddin Bwrdd Iechyd Prifysgol Hywel Dda

Yn bresennol fel sylwedydd:

Mr. M. Evans – Uwch-Rheolwr (Gwasanaethau Iechyd Meddwl ac Anableddau Dysgu)

Lleoliad: Siambr Neuadd y Sir, Caerfyrddin (10:10yb – 1:10yp)

1. YMDDIHEURIADAU AM ABSENOLDEB

Derbyniwyd ymddiheuriadau'r Cynghorwyr T.T. Defis, W.T. Evans, H.I. Jones, E. Morgan a J. Williams.

Nododd y Cadeirydd fod y Cynghorydd J. Williams wedi bod yn yr ysbyty'n ddiweddar ond ei bod gartref bellaf ac ar ran y Pwyllgor dymunodd wellhad buan iddi.

2. DATGAN BUDDIANNAU PERSONOL

Y Cynghorydd	Rhif y Cofnod(ion)	Y Math o Fuddiant
Y Cynghorydd K. Madge	Eitemau 6–10	Ei wraig yn Brif Weinyddes Nyrsio yn Ysbyty Dyffryn Aman a'i ferch yn gweithio i'r Gwasanaethau Gofal Cymdeithasol
Y Cynghorydd B.A.L. Roberts	Eitem 6	Ei merch yn berchen ar siop mewn ysbyty lleol.
Y Cynghorydd G. Thomas	Eitem 8	Ei gŵr yn un o yrwyr Ceir cefn gwlad.

3. DATGAN CHWIPIAID PLAID SYDD WEDI EU GWAHARDD

Ni chafwyd dim datganiadau ynghylch chwip waharddedig.

4. CWESTIYNAU GAN Y CYHOEDD

Nododd y Cadeirydd nad oedd dim cwestiynau wedi dod i law gan y cyhoedd.

Yn ateb i gwestiwn yn gofyn a oedd cwestiwn gan y cyhoedd yn cael ei ddarllen ar goedd os nad oedd yr holwr yn bresennol, awgrymodd y Cadeirydd y disgwylir, fel yng nghyfarfodydd y Cyngor Sir, i'r unigolyn sy'n gofyn y cwestiwn ddod i'r cyfarfod i ofyn ei gwestiwn/chwestiwn, ond byddai'n ceisio eglurhad ynghylch hyn.

5. EITEMAU AR GYFER Y DYFODOL

PENDERFYNODD y Pwyllgor gymeradwyo'r rhestr Eitemau ar gyfer y Dyfodol i'w hystyried yn ei gyfarfod nesaf ar 14eg Rhagfyr, 2015.

6. RHAGLEN 'FOUNDATIONS 4 CHANGE' SIR GAERFYRDDIN

Roedd y Cynghorydd K. Madge wedi datgan buddiant personol sef bod ei wraig yn brif weinyddes nyrsio yn Ysbyty Dyffryn Aman.

Roedd y Cynghorydd B.A.L. Roberts wedi datgan buddiant personol sef bod ei merch yn berchen ar siop mewn ysbyty lleol.

Estynnodd y Cadeirydd groeso i Mrs. Linda Williams, Cyfarwyddwr a

Chomisiynydd Sir Gaerfyrddin Bwrdd Iechyd Prifysgol Hywel Dda ac i Dr. Michael Thomas, Ymgynghorydd Iechyd y Cyhoedd yn Iechyd Cyhoeddus Cymru i'r cyfarfod.

Derbyniodd y Pwyllgor gyflwyniad ar Sylfeini Newid Sir Gaerfyrddin, sef model sicrhau ansawdd o Loegr oedd yn cael ei dreialu yng Nghymru gan Fwrdd Iechyd Hywel Dda.

Codwyd y materion canlynol wrth ystyried y cyflwyniad:

Yn ateb i gwestiwn ynghylch y cynllun Buddsoddwyr mewn Gofalwyr (lefel Efydd) ar gyfer practisiau Meddygon Teulu, cadarnhaodd Cyfarwyddwr a Chomisiynydd Sir Gaerfyrddin fod pob practis Meddygon Teulu yn Sir Gaerfyrddin wedi cyflawni'r lefel hon ond bod gwaith yn dal i fynd rhagddo i sicrhau bod pob practis yn cyflawni'r lefel Arian erbyn Ebrill 2016.

Gofynnwyd pam y defnyddiwyd model o Loegr yn hytrach nag ateb cynhenid o Gymru i ateb gofynion unigryw y gwasanaeth iechyd yng Nghymru a sut y gellid cyflawni ei amcanion o ystyried bod rhai rhannau o'r gwasanaeth wedi 'torri' a bod cryn anhawster denu gweithwyr allweddol i Orllewin Cymru. Nododd Ymgynghorydd Iechyd y Cyhoedd a Chyfarwyddwr a Chomisiynydd Sir Gaerfyrddin, ni waeth o ble roedd y model yn tarddu, bod amcanion allweddol y model yn ddyheadau y byddai pawb yn dymuno eu derbyn a cheisio eu hefelychu. Roedd Cyfarwyddwr a Chomisiynydd Sir Gaerfyrddin yn cydnabod ei bod yn anodd recriwtio gweithwyr i ranbarth Hywel Dda a bod hwn yn fater allweddol roedd y Bwrdd yn ceisio mynd i'r afael ag ef. Er hynny, pwysleisiodd fod Sir Gaerfyrddin mewn gwell sefyllfa na siroedd eraill yn y rhanbarth, yn enwedig oherwydd yr ysbytai athrofaol a'r cydweithio ag Ysgol Feddygaeth Prifysgol Abertawe.

Yn ateb i gwestiwn ynghylch disgwyliad oes yn Sir Gaerfyrddin a'r cynnydd yn nifer y bobl hŷn, cadarnhaodd Ymgynghorydd Iechyd y Cyhoedd mai'r nod oedd cynyddu disgwyliad oes 3 blynedd ar draws pob grŵp oedran yn ogystal ag yn yr ardaloedd lle roedd disgwyliad oes ar ei isaf. Yn dilyn cwestiwn ychwanegol ynghylch ardaloedd mwyaf difreintiedig Sir Gaerfyrddin o ran anghydraddoldebau iechyd, roedd Cyfarwyddwr Iechyd y Cyhoedd yn cydnabod y byddai disgwyliad oes yr ardaloedd hynny'n is ond bod gwasanaethau iechyd yn cael eu targedu i'r ardaloedd hynny er mwyn mynd i'r afael â'r problemau (e.e. rhoi'r gorau i ysmegu, Iechyd Da).

Mynegwyd pryder bod pobl ifanc yn parhau i yfed llawer mwy o alcohol na chenedlaethau'r gorffennol a gofynnwyd beth y gellid ei wneud i fynd i'r afael â hyn. Rhoddodd Ymgynghorydd Iechyd y Cyhoedd wybod i'r Pwyllgor fod llawer o waith yn cael ei gyflawni mewn sefydliadau addysg (e.e. Cynllun Ysgolion Iach a Rhaglen Ieuenctid Iechyd Da yn Sir Gaerfyrddin) a bod unigolion a oedd yn cael eu derbyn i Unedau Damweiniau ac Achosion Brys fel canlyniad i yfed gormod o alcohol yn cael eu cyfeirio drwy gyfrwng nyrs cyswllt alcohol am ddiagnosis a thriniaeth.

Cyfeiriwyd at nifer y cyn-filwyr o'r lluoedd arfog oedd yn dychwelyd ar ôl eu hamser yn gwasanaethu a gofynnwyd beth oedd practisiau Meddygon Teulu yn ei wneud neu beth y gallent ei wneud i gynorthwyo dynion a merched a fu yn y lluoedd arfog ac a allai fod ag amrywiaeth o broblemau cymhleth. Rhoddodd Ymgynghorydd

lechyd y Cyhoedd wybod i'r Pwyllgor fod gan lechyd Cyhoeddus Cymru arweinydd enwebedig cenedlaethol dros iechedd cyn-filwyr er mwyn sicrhau bod yr holl wasanaethau yn barod i adnabod ac i ymdrin â phroblemau corfforol, meddyliol neu emosiynol sydd gan gyn-filwyr.

Gofynnwyd a oedd nifer dda o bobl yn dod i'r gwahanol ddigwyddiadau ymgysylltu â'r cyhoedd ac awgrymwyd y gallai'r sefydliadau iechedd ddefnyddio digwyddiadau sy'n bod eisoes (e.e. digwyddiadau chwaraeon a diwylliannol neu ymweld â thafarndai) er mwyn ymgysylltu â mwy o bobl. Nododd Ymgynghorydd lechyd y Cyhoedd fod yr asiantaeth yn cynnal llawer o ddigwyddiadau drwy gydol y flwyddyn er ei fod yn cydnabod mai canran fach yn unig o'r boblogaeth oedd yn ymgysylltu drwy weithgareddau o'r fath. Er hynny, roedd lechyd Cyhoeddus Cymru yn ystyried pob dewis posibl i ymgysylltu a lledaenu gwybodaeth i'r cyhoedd, yn enwedig drwy'r cyfryngau a'r cyfryngau cymdeithasol.

Gofynnwyd cwestiwn ynghylch pa mor dda roedd y broses o integreiddio iechedd a'r gwasanaethau cymdeithasol yn cael ei weithredu yn y rhanbarth ac a oedd y gwaith hwn yn cael ei gyflawni'n ddigon cyflym. Awgrymodd Cyfarwyddwr a Chomisiynydd Sir Gaerfyrddin fod Sir Gaerfyrddin yn gwneud cynnydd da o ran rhanbarth Hywel Dda ond bod llawer o waith i'w wneud, yn enwedig mewn perthynas â threfniadau cyllid. Pwysleisiodd fod angen i hyn gael ei wneud yn dda ac na ddylid ei frysio ac ychwanegodd fod Llywodraeth Cymru, hyd yma, wedi bod yn annog y cyrff perthnasol i gydweithio ond yr hyn oedd yn debygol o ddigwydd yn y dyfodol agos oedd y byddai'n ofynnol i iechedd a'r gwasanaethau cymdeithasol integreiddio drwy gyflwyno mesurau neu ddeddfwriaeth benodol.

Diolchodd y Cadeirydd i Gyfarwyddwr a Chomisiynydd Sir Gaerfyrddin ac i Ymgynghorydd lechyd y Cyhoedd am y diweddariad cynhwysfawr ac awgrymodd y dylai'r Pwyllgor gael diweddariad gan lechyd Cyhoeddus Cymru mewn cyfarfod yn y dyfodol ac y byddai holl aelodau'r Cyngor Sir yn cael budd o gael y cyflwyniad. Cytunodd y Pwyllgor â'r cynigion hyn.

PENDERFYNWYD:

6.1 Bod y cyflwyniad yn cael ei dderbyn.

6.2 Bod adroddiad ar waith lechyd Cyhoeddus Cymru yn cael ei gynnwys ym Mlaenraglen Waith y Pwyllgor.

6.3 Y dylid awgrymu fod y Cyngor Sir yn cael cyflwyniad ar y model Sylfeini Newid.

7. ADRODDIAD BLYNYDDOL YNGHYLCH DIOGELU OEDOLION 2014/15

Roedd y Cyngorydd K. Madge wedi datgan buddiant personol sef bod ei ferch yn gweithio i'r Gwasanaethau Gofal Cymdeithasol.

Bu'r Pwyllgor yn ystyried yr Adroddiad Blynyddol ynghylch Diogelu Oedolion am y flwyddyn ariannol 2014/15. Hefyd cafodd y Pwyllgor gyflwyniad byr a roddai olwg gyffredinol ar bwrpas a chyd-destun yr adroddiad blynyddol. Roedd yr Adroddiad yn egluro'r cyd-destun o ran y polisi cenedlaethol yn ymwneud â diogelu oedolion gan gynnwys goblygiadau tebygol Deddf Gwasanaethau Cymdeithasol a Llesiant

2014.

Codwyd y materion canlynol wrth ystyried yr adroddiad:

Er bod y datblygiadau a'r gweithgareddau cadarnhaol niferus y tynnwyd sylw atynt yn yr adroddiad i'w croesawu, mynegwyd pryder am yr hyn a oedd yn ymddangos fel diffyg erlyniadau yn erbyn unigolion yr honnwyd eu bod yn gyfrifol am gam-drin. Roedd y Rheolwr Diogelu a Chomisiynu yn cydnabod bod y swyddogion yn rhannu'r un pryderon a rhwystredigaethau â'r aelodau ond bod achosion o gam-drin yn aml yn rhai cymhleth lle roedd yn anodd cael y dystiolaeth angenrheidiol i fynd ag unigolion i'r llys, yn enwedig mewn achosion yn ymwneud ag oedolion nad oeddynt â'r gallu i ddeall y sefyllfa, neu oedd yn anfodlon mynd i'r llys o gwbl. Ychwanegodd nad oedd y ddeddfwriaeth gyfredol yn helpu swyddogion yn y gwaith hwn ond roedd yn gobeithio y byddai Adroddiad Flynn (Chwilio am Atebolrwydd) a gyhoeddwyd yn ddiweddar, sef adolygiad o esgeuluso pobl hŷn sy'n byw mewn cartrefi gofal a gyflawnwyd ar ran Llywodraeth Cymru, yn arwain at newid mewn deddfwriaeth ac yn cau'r bwlch hwn.

Nododd Cyfarwyddwr y Gwasanaethau Cymunedol, wrth bennu trothwyon ar gyfer erlyniadau, nad oedd bob amser er budd gorau'r unigolion dan sylw i erlyn. Fodd bynnag, ychwanegodd os oedd tystiolaeth glir o fwriadu achosi niwed neu gam-drin, y gallai'r aelodau fod yn dawel eu meddwl y byddai'r Awdurdod yn dadlau o blaid erlyn er bod hyn yn fater i'r heddlu a Gwasanaeth Erlyn y Goron.

Rhoddodd yr Aelod o'r Bwrdd Gweithredol dros Ofal Cymdeithasol ac Iechyd wybod i'r Pwyllgor am brosiect ymchwil oedd yn cael ei gynnal gan Gyngor Sir Caerfyrddin ar y cyd â Chyngor Caerdydd a Phrifysgol Aberystwyth. Nod yr ymchwil oedd codi ymwybyddiaeth ymhlith unigolion sydd mewn gofal neu sy'n derbyn gofal am yr opsiynau sydd ar gael iddynt os ydynt yn teimlo eu bod yn cael eu cam-drin mewn unrhyw ffordd. Nod arall yr ymchwil oedd archwilio'r rhesymau pam nad oedd unigolion yn dymuno bwrw ymlaen ag erlyniad a rôl bosibl 'brocer' i gyfryngu rhwng y gwahanol bartïon er mwyn cael canlyniad derbyniol.

Cyfeiriwyd at y cynnydd sylweddol yn nifer yr atgyfeiriadau a gafwyd yn 2014/15 a gofynnwyd a oedd hyn yn ddigwyddiad unwaith yn unig neu a ydoedd o ganlyniad i'r gwelliant yng ngweithdrefnau'r Awdurdod. Nododd y Rheolwr Diogelu a Chomisiynu ei bod yn anodd dweud beth oedd yr union reswm am y cynnydd ond roedd yn ddigon posib bod y cynnydd yn y sylw a'r cyhoeddusrwydd a roddwyd i bob math o gam-drin yn ogystal â bod mwy o ymgysylltu a gwell hyfforddiant, i gyd wedi cyfrannu i'r cynnydd yn nifer yr atgyfeiriadau. Ychwanegodd ei bod yn galonogol mewn rhai ffyrdd fod unigolion yn teimlo eu bod yn gallu rhoi gwybod am achosion o gam-drin ac y gallai hyn fod yn adlewyrchiad o'r hyn a fu'n digwydd mewn perthynas ag achosion hanesyddol o gam-drin plant.

Mynegwyd pryder fod Arolygiaeth Gofal a Gwasanaethau Cymdeithasol Cymru (AGGCC) wedi methu â chwblhau unrhyw atgyfeiriadau (fel rhan o ymchwiliad asiantaeth unigol) am y tair blynedd diwethaf a gofynnwyd pam y dylai hyn fod. Roedd Cyfarwyddwr y Gwasanaethau Cymunedol yn cydnabod ei bod yn anarferol na chwblhawyd dim atgyfeiriadau yn ystod y cyfnod hwn ond y gallai hynny fod oherwydd problemau deddfwriaethol oedd yn bod eisoes. Fodd bynnag, mae'n ddigon posib y gallai'r ddeddfwriaeth newydd sy'n gysylltiedig â'r Ddeddf Gwasanaethau Cymdeithasol a Llesiant 2014 gynorthwyo'r AGGCC yn y dyfodol. Ychwanegodd fod yr Awdurdod yn gallu rhoi darparwyr o dan embargo oedd yn aml yn broses gyflymach a mwy effeithiol nac erlyn. Rhoddodd y Rheolwr Ardal

Leol (Aman a Gwendraeth) wybod i'r Pwyllgor fod yr AGGCC, yn ystod yr wythnos flaenorol, wedi erlyn darparydd gofal yn Abertawe ac wedi llwyddo i gael y ddirwy fwyaf sef £2,500.

Gofynnwyd a oedd y problemau staffio a gafodd y Tîm Diogelu a Chomisiynu, ac y cyfeiriwyd atynt yn yr adroddiad, wedi effeithio ar ei allu i gyflawni ei waith. Rhoddodd y Rheolwr Diogelu a Chomisiynu wybod i'r Pwyllgor, yn ystod 2014/15, bod un aelod o'r tîm wedi cael cyfnod o seibiant salwch a bod un arall wedi cael seibiant gyrfa. Roedd hyn wedi'i gynnwys er mwyn pwysleisio wrth yr aelodau nad oedd y Tîm wedi bod â digon o staff ar adegau ond bod hyn wedi'i gywiro erbyn hyn a bellach roedd nifer cyflawn o staff yn y Tîm.

Mewn ymateb i awgrym fod nifer yr atgyfeiriadau oedd yn ymwneud â darparwyr sector annibynnol yn uchel, atgoffwyd y Pwyllgor gan y Rheolwr Diogelu a Chomisiynu fod 90% o'r unigolion oedd yn derbyn gofal yn y Sir yn y sector annibynnol (mae dros 90 o gartrefi gofal, mae 1,200 o ddefnyddwyr gwasanaeth yn derbyn gofal cartref ac mae 1,500 o welyau cartrefi gofal) ac yng ngoleuni'r ffigyrau hyn, bod y nifer yn gymharol isel.

Awgrymwyd bod angen addysgu'r aelodau etholedig ynghylch y gwaith a wneir gan y Tîm Diogelu a Chomisiynu, yn enwedig gan fod yr aelodau'n gweithio ymhlith y gymuned neu'n cyflawni gwaith gwirfoddol a allai o bryd i'w gilydd olygu fod angen atgyfeirio mater neu holi a ddylid cymryd camau pellach ynghylch pryder penodol. Nododd y Rheolwr Diogelu a Chomisiynu fod y gwasanaeth wedi cynnal sesiynau datblygu aelodau yn y gorffennol ac y gellid gwneud hyn eto. Yn dilyn awgrym gan y Cadeirydd y dylid trefnu sesiwn i'r holl aelodau, dywedodd y Rheolwr Diogelu a Chomisiynu y byddai'n fwy buddiol cynnal sesiwn ar ôl i'r trefniadau rhanbarthol newydd ddod i rym yn nes ymlaen yn 2016. Cytunodd y Pwyllgor â'r cynnig hwn.

Yn ateb i gwestiwn ynghylch rôl a thâl gweithwyr gofal, rhoddodd y Rheolwr Diogelu a Chomisiynu wybod i'r Pwyllgor fod yr Awdurdod wedi cyflawni llawer iawn o waith gyda'r darparwyr mewn perthynas â lefelau cyflog yn ogystal â threfniadau contractiol er mwyn sicrhau nad oedd gweithwyr gofal yn gwneud y gwaith oherwydd nad oedd unrhyw opsiynau eraill ar gael, ond eu bod yn derbyn cyflog teg a phriodol am eu gwaith.

Talwyd teyrnged i'r Rheolwr Diogelu a Chomisiynu gan yr Aelod o'r Bwrdd Gweithredol dros Ofal Cymdeithasol ac lechyd a diolchodd iddo am ei waith mewn perthynas â Diogelu Oedolion dros nifer o flynyddoedd a dymunodd yn dda iddo yn ei rôl newydd yn yr adran.

PENDERFYNWYD:

7.1 Bod yr adroddiad yn cael ei dderbyn.

7.2. Bod sesiwn datblygu ynghylch Diogelu a Chomisiynu yn cael ei drefnu ar gyfer yr holl aelodau yn 2016, ar ôl i'r trefniadau rhanbarthol newydd gael eu sefydlu a'u rhoi ar waith.

8. HENEIDDIO'N DDA YNG NGHYMRU – CYNLLUNIAU LLEOL HENEIDDIO'N DDA

Roedd y Cynghorydd K. Madge wedi datgan buddiant personol sef bod ei ferch yn gweithio i'r Gwasanaethau Gofal Cymdeithasol.

Roedd y Cynghorydd G. Thomas wedi datgan buddiant personol sef bod ei gŵr yn un o yrwyr Ceir cefn gwlad.

Bu'r Pwyllgor yn ystyried y fersiwn drafft o Gynllun Lleol Heneiddio'n Dda, Sir Gaerfyrddin sef cynllun a ddatblygwyd i fodloni dau sbardun strategol allweddol; rhaglen Heneiddio'n Dda yng Nghymru ac iddi bum thema, a'r Strategaeth ar gyfer Pobl Hŷn yng Nghymru. Roedd y Cynllun yn gysylltiedig â'r Weledigaeth ar gyfer Gwasanaethau Cynaliadwy i Bobl Hŷn, yr oedd yr Adran Cymunedau wrthi'n ei datblygu. Roedd hefyd yn ategu Deddf Llesiant Cenedlaethau'r Dyfodol 2015, drwy gyfrannu at gymunedau cynaliadwy a oedd yn galluogi pobl i heneiddio 'gan aros lle roeddent'.

Codwyd y materion canlynol wrth ystyried yr adroddiad:

Cyfeiriwyd at oblygiadau ariannol yr adroddiad oedd yn dangos y byddai'r Cynllun yn gost-niwtral a gofynnwyd am eglurhad ynghylch hyn gan y swyddogion. Rhoddodd y Swyddog Polisi, Ymgynghori ac Ymgysylltu a Chyfarwyddwr y Gwasanaethau Cymunedol wybod i'r Pwyllgor fod y Cynllun yn gost-niwtral yn yr ystyr nad oedd unrhyw ran benodol o'r ddogfen yn gofyn am gyllid a'i fod yn gyfle i ddwyn ynghyd gwahanol agendâu a chynlluniau'r Awdurdod drwy ddefnyddio'r gwasanaethau oedd yn bod eisoes.

Awgrymodd yr Aelod o'r Bwrdd Gweithredol dros Dai (a Hyrwyddwr Pobl Hŷn / 50+) o ystyried y nifer cynyddol o bobl hŷn yn y Sir, bod y Cynllun yn gyfle i fuddsoddi er mwyn arbed drwy roi gwybodaeth berthnasol i drigolion hŷn mewn modd amserol a rhoi arweiniad i gymunedau ynghylch y modd y gallent hwy gyfrannu i'r agenda hwn. Ychwanegodd yr Aelod o'r Bwrdd Gweithredol dros Ofal Cymdeithasol ac Iechyd (a Hyrwyddwr Pobl Hŷn / 50+) fod y Cynllun drafft yn strategaeth holistaidd ac nad oedd a wnelo'n unig â chreu cymunedau oedd yn cefnogi pobl â dementia neu'n atal codymau ond yn hytrach gymunedau oedd yn gefnogol a chryf mewn modd hollgynhwysol.

Hefyd gofynnwyd a oedd cyllid penodol ar gael ar gyfer gofal cysylltiedig â dementia. Dywedodd Cyfarwyddwr y Gwasanaethau Cymunedol, er nad oedd cyllideb gyfunol benodol ar gyfer dementia, bod ffrydiau cyllido gwahanol y gallai'r Awdurdod dynnu cyllid ohonynt i ymgymryd â gweithgareddau hyrwyddo neu ledaenu gwybodaeth. Atgoffodd y Pwyllgor nad oedd hawl gan yr Awdurdod Lleol ddefnyddio'i gyllid i dalu am ofal iechyd gan fod gwahanol ofynion cyfreithiol yn llywodraethu gweithgareddau'r GIG ac awdurdodau lleol mewn perthynas â chodi tâl am wasanaethau.

PENDERFYNWYD cymeradwyo'r Adroddiad drafft i'w ystyried gan y Bwrdd Gweithredol.

9. ADRODDIAD MONITRO CYLLIDEB CYFALAF A REFENIW 2015/16

Roedd y Cynghorydd K. Madge wedi datgan buddiant personol sef bod ei ferch yn gweithio i'r Gwasanaethau Gofal Cymdeithasol.

Bu'r Pwyllgor yn ystyried yr Adroddiadau Monitro Cyllidebau Refeniw a Chyfalaf a oedd yn ymwneud â'r Gwasanaeth Gofal Cymdeithasol ac lechyd am y cyfnod hyd at 31ain Awst 2015. Nododd y Pwyllgor fod y Gwasanaeth Gofal Cymdeithasol ac lechyd yn rhagweld y byddai wedi gorwario £679,000 erbyn diwedd y flwyddyn o ran y Gyllideb Refeniw a gymeradwywyd ac y byddai -£228,000 o amrywiant net yn erbyn y Gyllideb Gyfalaf a gymeradwywyd ar gyfer 2015/16.

Codwyd y materion canlynol wrth ystyried yr adroddiad:

Yn ateb i gwestiwn am y swyddi gwag yn y Gwasanaeth Galluogi, nododd Cyfarwyddwr y Gwasanaethau Cymunedol, oherwydd natur y gwasanaeth hwn a nifer y staff, fod trosiant uchel yn y maes hwn yn draddodiadol.

Cyfeiriwyd at amseroldeb yr adroddiad oedd am y cyfnod hyd at ddiwedd Awst 2015. Atgoffwyd y Pwyllgor gan Gyfarwyddwr y Gwasanaethau Cymunedol a Chyfrifydd y Grŵp fod hon yn gyllideb gymhleth iawn ond gan fod y gyllideb yn cael ei monitro bob deufis ni fyddai'r diweddariad diweddaraf (ar gyfer diwedd Hydref) wedi bod yn barod i fodloni'r dyddiad cau ar gyfer agenda cyfarfod mis Tachwedd. Fodd bynnag, ar gyfer prosiectau/gwasanaethau mawr neu arwyddocaol, roedd y swyddogion perthnasol yn cynnal ymarferion monitro cyllidebau yn fwy rheolaidd.

PENDERFYNWYD derbyn yr adroddiad.

PENDERFYNWYD YN UNFRYDOL gan y Pwyllgor fod y rheolau sefydlog yn cael eu rhoi o'r neilltu dros dro tra trafodid yr eitem hon er mwyn gallu ystyried yr eitemau oedd yn weddill ar yr agenda.

10. ADRODDIAD HANNER BLWYDDYN AR REOLI PERFFORMIAD – 1AF O EBRILL HYD AT 30AIN O FEDI 2015

Roedd y Cynghorydd K. Madge wedi datgan buddiant personol sef bod ei ferch yn gweithio i'r Gwasanaethau Gofal Cymdeithasol.

Awgrymodd Cyfarwyddwr y Gwasanaethau Cymunedol, yng ngoleuni'r amser, bod y Pwyllgor yn ystyried gohirio'r eitem hon tan ei gyfarfod nesaf gan y byddai hyn yn rhoi amser i'r aelodau drafod yr adroddiad yn fwy manwl.

PENDERFYNWYD YN UNFRYDOL gan y Pwyllgor i ohirio ystyried yr adroddiad tan ei gyfarfod nesaf ar 14eg Rhagfyr 2015.

11. ATGYFEIRIAD I'R PWYLLGOR CRAFFU GOFAL CYMDEITHASOL AC IECHYD

Bu'r Pwyllgor yn ystyried mater a gyfeiriwyd gan y Pwyllgor Craffu - Polisi ac Adnoddau. Eglurodd yr Ymgynghorydd Cynorthwyol gefndir y mater a gyfeiriwyd a rhoddodd ddiweddariad i'r Pwyllgor ynghylch y cynigion am fformat newydd i'r

adroddiadau monitro perfformiad a ddeuai gerbron y pwyllgorau craffu ac a fyddai'n cael eu rhannu â'r aelodau etholedig mewn sesiwn briffio ar 14 Ionawr 2016 (2:00pm).

PENDERFYNWYD derbyn yr adroddiad.

12. EGLURHAD AM BEIDIO A CHYFLWYNO ADRODDIAD CRAFFU

Atgoffwyd y Pwyllgor gan y Cadeirydd am y Pwyllgor ar y Cyd â'r Pwyllgor Craffu Addysg a Phlant a gynhaliwyd ddydd Llun 23 Tachwedd 2015 a drefnwyd yn benodol i ystyried adroddiad Arolygiad, Gwerthusiad ac Adolygiad o Wasanaethau Cymdeithasol yr Awdurdod Lleol ar gyfer 2014/15 gan Arolygiaeth Gofal a Gwasanaethau Cymdeithasol Cymru (AGGCC). Gofynnodd ar i'r holl aelodau wneud ymdrech i fod yn bresennol, os gellir.

PENDERFYNWYD bod yr eglurhad am beidio â chyflwyno adroddiad Arolygiad, Gwerthusiad ac Adolygiad o Wasanaethau Cymdeithasol yr Awdurdod Lleol ar gyfer 2014/15 gan AGGCC, yn cael ei nodi.

13. DIWEDDARAF AM WEITHREDIADAU AC ATGYFEIRIADAU'R PWYLLGOR CRAFFU GOFAL CYMDEITHASOL AC IECHYD

Bu'r Pwyllgor yn ystyried adroddiad a fanylai ar y cynnydd o ran y camau gweithredu, y ceisiadau, neu'r atgyfeiriadau oedd wedi deillio o gyfarfodydd blaenorol y Pwyllgor Craffu.

PENDERFYNWYD bod y wybodaeth ddiweddaraf yn cael ei derbyn.

14. DERBYN A LLOFNODI COFNODION Y CYFARFOD A GYNHALIWYD AR YR 16EG o FEDI 2015

PENDERFYNWYD llofnodi fel cofnod cywir gofnodion y cyfarfod a gynhaliwyd ddydd Mercher, 16eg Medi 2015.

CADEIRYDD: _____

DYDDIAD: _____